



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Posebni odjel za ratne zločine
Broj: T20 0 KTRZ 0006398 17
Sarajevo, 23.02.2023. godine

PRITVOR
HITNO

SUD BOSNE I HERCEGOVINE
- Sudiji za prethodno saslušanje -

Na osnovu člana 35. stav 2. tačka i) i člana 226. stav 1. Zakona o krivičnom postupku BiH, p o d i ž e m:

OPTUŽNICU

PROTIV:

Rade Grujića, zv. „Rašo“, rođenog
1967. godine u **opštini Zvornik,**
državljanina BiH i R Srbije,

Što je:

U periodu od aprila do kraja jula 1992. godine za vrijeme rata u BiH, u vrijeme dok je trajao širok i sistematičan napad pripadnika Teritorijalne odbrane opštine Zvornik, kasnije Vojske Republike Srpske, policije i paravojnih formacija srpskih snaga, na području opštine Zvornik, koji je bio usmjeren protiv civilnog stanovništva bošnjačke nacionalnosti na području opštine Zvornik, znajući za takav napad te da njegove radnje čine dio napada u svojstvu pripadnika čete Snagovo TO Zvornik, postupao suprotno pravilima međunarodnog humanitarnog prava, kršeći odredbe zajedničkog člana 3. Ženevskih konvencija od 12.08.1949. godine, tako što je prisilio ženu bošnjačke nacionalnosti na seksualni odnos, na način što je:

- 1. Tačno neutvrđenog dana u periodu od 25.05 do 02.06.1992. godine, u kojem periodu se u kućama [REDACTED] u selu Liplje, opština Zvornik, nalazilo zatvoreno oko 400 civila bošnjačke nacionalnosti iz sela Liplje, među kojima i oštećena [REDACTED], koji civili su u navedenim kućama nezakonito držani zatvoreni od strane pripadnika jedinice Bijeli orlovi i čete Snagovo, gdje su civili svakodnevno fizički i psihički zlostavljani, a žene njih oko 50 svakodnevno silovane, Rade Grujić došao u kuću [REDACTED] u kojoj se u tom momentu nalazila oštećena [REDACTED] zajedno sa drugim civilima, te je odveo u jednu sobu u [REDACTED] kući i naredio da se skinu, što je ista zbog straha koji je osjećala i učinila, nakon čega se i on skinuo te legao na oštećenu [REDACTED] i nad njom izvršio silovanje, [REDACTED] ustao i obukao se, te oštećenoj naredio da se obuče, nakon čega je napustio prostoriju.*

***Dakle**, u okviru širokog i sistematičnog napada usmjerenog na civilno nesrpsko stanovništvo, znajući za taj napad i svjestan da njegove radnje čine dio tog napada, prisilio žensku osobu na seksualni odnos,*

***Čime je**, počinio krivično djelo Zločini protiv čovječnosti iz člana 172. stav 1. tačka g) Krivičnog zakona Bosne i Hercegovine, u vezi sa članom 180. stav 1. Krivičnog zakona Bosne i Hercegovine,*

TUŽILAC
TUŽILAŠTVA/TUŽITELJSTVA BiH